

首都師範大學中國書法文化研究院 編纂
歐陽中石 主編

文津閣四庫全書
書畫藝術文獻匯編

第四十七冊



商務印書館

本冊書目

丹淵集

四卷

宋・文同

一

△拾遺

二卷

△年譜

一卷

△附錄

二卷

寶晉英光集

八卷

宋・米芾

二七三

梅花道人遺墨

二卷

元・吳鎮

三二三

甫田集

三十五卷

明・文徵明

三四三

欽定四庫全書

集部
丹淵集

丹淵集

詳校官中書臣劉源溥

臣紀昀覆勘

總校官舉人臣章維桓

校對官編修臣高棅生

謄錄監生臣朱一鳴

欽定四庫全書

集部三

丹淵集

別集類二
北宋

提要

臣等謹案丹淵集四十卷宋文同撰同字與可梓潼人漢文翁之後故人以石室先生稱之皇祐元年進士解褐為邛州軍事判官後歷知陵州洋州改湖州未至而卒至今畫家稱文湖州從其終而言之也遺文五十卷其

欽定四庫全書

丹淵集
提要

曾孫鷺編為四十卷慶元中曲沃家誠之守邛州以同嘗三仕於邛多遺蹟因取其集重加釐正而卷帙則仍其舊所增拾遺二卷及卷首年譜卷末附錄司馬光蘇軾等往來詩文一卷則誠之所輯也同未第時即以文章受知文彥博其詩如美人却扇坐羞落庭下花諸篇亦盛為蘇軾所推特以墨竹流傳遂為畫掩故世人不甚稱之然馳驟於黃陳晁

張之間未嘗不足頡頏上下也集中稱蘇軾

為胡侯或曰蘇子平見誠之跋中蓋其家避

忌蜀黨而改之今亦姑仍其舊云乾隆四十

九年閏三月恭校上

總纂官_臣紀昀_臣陸錫熊_臣孫士毅

總校官_臣陸費輝

欽定四庫全書

丹淵集
提要

欽定四庫全書

丹淵集年譜

宋家誠之輯

天禧二年戊午

先生生按先生墓誌元豐二年正月二十一日卒於

陳州享年六十二推而上之實生於是年

天聖八年庚午

先生年十三按先生墓誌考都官公嘗誨之曰吾世

欽定四庫全書

丹淵集
年譜

為德汝其克家乎將高吾門於吾廬之東偏以待汝

宜勉之公時年十三僂而對曰謹奉教即是年也

慶歷四年甲申

是歲按實錄文潞公除樞密直學士知益州七年擢

諫議大夫入政府按先生墓誌潞公守成都舉公所

贅文字以示府學學者一時稱慕之必在是年或五

年六年之間也

皇祐元年己丑

是歲先生登進士第按登科記皇祐元年三月策進士馮京以下四百九十八人先生第五蓋軫象天地賦日具不暇食詩天聽君人之言論考先生墓誌亦同

二年庚寅

是歲先生赴邛州軍事判官按先生親筆疎篁怪木碑云王成謂力臣文同與可張鷟子京樂褒聖舉皇祐二年六月六日來此命同畫

欽定四庫全書

丹淵集
年譜

四年壬辰

是歲先生在邛州攝蒲江縣有移縣學諸生文皇祐四年二月七日司戶參軍權縣事仇偁立石縣東三十里有忠孝寺柱間有紀行云郡從事文同鄰江李與太學周之翰進上文象皇祐四年壬辰上已前一日同遊縣學文作於二月忠孝寺紀行作於三月意仇偁者繼先生攝縣在後方立石耳又按先生留題鶴鳴化壁詩刻後云壬辰歲仲冬月書則先生自蒲

江又攝大邑也

五年癸巳

是歲先生在邛州按先生親筆墨林碑云余皇祐癸巳從事此州因閑為此後為好事者所護其迹如新嘉祐辛丑來倅郡治平乙巳復權守事一紀之中凡三覽此舊墨令人眷眷又題云余皇祐癸巳從事此州因閑作此二壁嘉祐辛丑自秘閣復貳郡政已為好事者欄護其蹟如新治平乙巳復權守印再覽舊

欽定四庫全書

丹淵集
年譜

墨裴回其下計此歲已十三秋矣又按先生留題鶴鳴化上清宮詩後癸巳歲季春月題又有重序靜林寺僧惟已九準集後云皇祐癸巳下元夜杳杳堂書堂必在大邑縣治今不復存矣然先生有賞豐亭詩刻在今郡圃豐榭乃皇祐五年二月二十一日太守竇平立石不知詩作於何時立石在是年也至和元年甲午

是歲先生邛州代還再調靜難幕官當在京師

二年乙未

是歲冬末先生赴靜難軍節度判官按先生作謝都運傳諫議啟首云蒙恩授前件官已於去年十二月二十九日赴上訖又云向官西轡幸逃過尤北官南幽誓見名節此必作次年之春則知赴官於此年之冬末也

嘉祐元年丙申

是歲先生在邠州按先生作靜難軍靈峯寺新閣記

欽定四庫全書

丹淵集
年譜

四

云嘉祐元年同佐靜難幕紫微山靈峯寺者凡出必造馬五月初一日記又作

南無大旱土人走寧之要冊池取水禱雨不應余為作問神詞使歌之

二年丁酉

是歲先生在邠州按公作捕魚圖記後云嘉祐丁酉二月十日新平官舍記又作摺蒲格序後云嘉祐二年丁酉仲冬月十有三日新平官舍序按九域志邠

州新平郡靜難軍節度使

三年戊戌

是歲先生在邠州有送通判張總之都官赴闕序云往年拜總之於成都及來南幽復得預總之職事反覆參視無有奇缺以先生墓誌考之秩滿改太常丞赴官靜難在至和二年之末秩當滿於是年次年則召試矣序蓋作於此時

四年己亥

欽定四庫全書

丹淵集
年譜

五

是歲先生召試館職判尚書職方兼編校史館書籍按先生墓誌云爾又按先生謝館職啟云更佐兩郡行周十年近緣公章入改朝序先生於皇祐二年赴邠州判官至和二年赴靜難判官至是蓋十年矣

五年庚子

是歲先生在朝按先生作道士袁惟正字行之序其畧云予典校中秘書暇日納涼於城南道宇有道士肅予坐堂上以字請其後云嘉祐五年庚子元日謹

序又作種柳詩序其畧曰楊君灝巨川為令種柳千根表絡諸道作三詩紀其事和者連章以至大軸携入都下示余屬以序後云嘉祐庚子人日安靜文同序然先生墓誌云以親老請通判邛州先生又作榮州楊處士墓誌云嘉祐五年二月葬以書狀拜道士李有慶來詣山居意先生是年歸鄉矣

六年辛丑

是歲先生倅邛州按墨林碑先生曾於嘉祐辛丑

欽定四庫全書

丹淵集
年譜

六

來倅郡又作嘉州平羌縣夫子廟記云道士李有慶過邛訪余五月十日記又作成都楞嚴院畫六祖記後云予自秘閣校理乞侍親得相於臨邛郡嘉祐六年辛丑五月十五日東園芳州亭書東園即今倅廳之園也郡圃在西故以東別之同日又作鳳凰山新禪院記鳳凰屬邛之大邑縣思安鎮然按先生墓誌云通判邛州至未幾丁都官公憂則知先生是年必以憂去先生後通判漢州謝成都端明啟云向嘗遂

外官之請尋用持先子之憂一居家山四段歲序蓋自是至治平二年公赴漢州四年矣

七年壬寅

是歲先生居憂在鄉按先生家集有作邛州永福院新修桂華閣記後云壬寅六月十日記必在家時作也今碑已不復存不可考矣

八年癸卯

是歲先生居憂在鄉按先生作梓州處士張希澤墓

欽定四庫全書

丹淵集
年譜

七

誌云治平改元正月以疾終於家希澤初復疾余持服里居考希澤得疾之初必是年也又按先生作費先生詩集序亦稱嘉祐癸卯東平先生以詩為示

治平元年甲辰

是歲先生在鄉按先生作梓州永泰縣重建北橋記云上即位之明年永泰縣重建北橋既成其令佐有請於邑人文同治平元年二月一日記又作東橋記後曰同者字與可縣人又作終江縣樂閑堂記後云

治平元年五月日記又按先生墓誌服除歸館又以
母云請通判漢州蓋在是年

二年乙己

是歲先生赴通判漢州又攝守邛州按漢倅題名記
治平二年二月五日到任又按墨林碑先生親筆云
治平乙己復攝守事蓋以漢倅來攝臨邛也又作中
江縣新堤記云治平二年春河內廖君子孟為之令
貢士賈汝奇等二百人請余求文意此記作於未起

欽定四庫全書

丹淵集
年譜

漢倅之時以邛州太守題名記者之嘉祐八年十二
月七日張赴以虞部郎中到任治平二年八月二十
四日劉介亦以虞部郎中到任張必未滿秩而去先
生必攝守於張之後劉之前也又按先生權邛州謝
成都府尹啓云為治中之官殊恐不職行太守之事
固非其宜然而一紀之中三來於此自為從事攝守
者十二年矣然先生作羅屯田墓誌首云治平二年
九月十日職方員外郎羅公登詣同於成都回車館

手授其先人行狀則先生八月解臨邛歸廣漢道出
成都作此誌銘無疑矣

三年丙午

是歲先生在漢州六月如普州按先生作成都府運
叛霍侯然思堂記云既落之侯謂廣漢都尉文同曰
無石以載疑事之闕將以屬予予其謂何同曰諾治
平三年二月十五日記又作宋仁壽太君李氏埋銘
云宋治平三年丙午春太常博士宋璋與其弟瑱葬

欽定四庫全書

丹淵集
年譜

九

其母夫人仁壽太君李氏於犀浦縣俾其友廣漢郡
尉秘閣校理文同謹歲月之實納諸壙中又按先生
作綿州李處士墓誌云治平四年十月十五日以疾
卒于家嘗憶去年六月自廣漢移守安岳道先生門
下入拜於南堂先生與語恐不能久留於世別未百
日而秘書丞君遣使以狀來曰先人臨終攬誼伯手
屬之曰吾死當使普州至吾墓則知先生是年六月
赴普州矣

四年丁未

是歲先生在普州按先生作成都府學射山新修祠
宇記云龍圖閣直學士趙公治平二年夏四月被詔
守蜀明年春三月上已來遊學射山四年初五日記
此記疑作於普州又有普州三亭詩曰均逸曰東溪
曰碧崖然按先生墓誌云賜五品服知普州丁仁壽
憂服除熙寧三年知太常禮院則是年必以憂去官矣
熙寧元年戊申

欽定四庫全書

升淵集
年譜

是歲先生居憂在鄉

二年己酉

是歲先生居憂在鄉按先生題黃氏易圖後云熙寧
己酉孟冬望日墨君堂書又有夏日閑書墨君堂壁
詩云先人有獎廬涪水之東邊我罷漢中守歸此聊
息焉則墨君堂在先生所居明矣十月十五日又作
茂州汶川縣勝因院記十一月十五日又作彭州永
昌縣治已堂記

三年庚戌

是歲先生在朝按先生墓誌云熙寧三年加太常禮
院兼編修太宗正司條貫又作送朱郎中詩序首云
熙寧三年庚戌三月癸丑同自蜀還臺宿臨潼華清
道館朱康叔引名見訪又作利州羊糞谷仙洞記云
熙寧庚戌春予還朝時利州通判寇諤為予言故為
記後九月二十三日

四年辛亥

欽定四庫全書

升淵集
年譜

是歲先生歸鄉赴陵州謝表云臣已於三月五日起
任訖又作榆陰詩自序云熙寧辛亥歲春予自京師
赴陵州因過家省墳墓作此又有辛亥孟秋虹下飲
古井詩

五年壬子

是歲先生在陵州按先生作送朱康叔郎中詩序有
云是年同守陵州康叔之子雒縣尉瞻之遣使致書
後云壬子中元平雲閣序閣必陵之州治也又作仁

宗皇帝飛白書序其略曰太子賓客掌公禹錫時預
此集乃蒙帝子之殊渥也熙寧五年十月其孫文紀
為陵州貴平縣令願將刊鏤見求短引以著其下初
八日謹序又謝知府吳龍圖薦章乞召還書殿以備
諮訪啟云自從登科以至避官二紀於此一節不回
先生以皇祐元年登科知此二十四年啟必作於陵
州又以先生集考之先生後知興元奏乞差洋州狀
云蒙恩除臣陵州得一年十箇月因改州為監復蒙
就差知興元府則先生於是年冬罷去矣又按先生
作張思孺挽詞云昔在天彭郡僑居過一冬感君常
見訪無日不相從意先生罷陵州寓居彭州四年方
赴漢中也孟冬猶作紉竹記

欽定四庫全書

丹淵集
年譜

十一

六年癸丑

是歲先生自天彭赴漢中按先生作提刑張公射中
金錢詩序云公尹作詩天尹以下咸屬和焉馳寄於
同詩序其略熙寧六年正月甲子謹序又作送趙大

資再任成都府詩序云嘗欲有所論議以紀公之休
懿會赴官興元道出門下公因授以送行詩一篇俾
為之序熙寧六年上元日謹序又作彭州胡氏三遇
異人記云熙寧六年春余寓天彭成都承天僧敏行
無演在焉又作彭州張民畫記云予寓彭累月居甚
閑暇後書熙寧六年中秋日謹記以是考之先生必
於是年之春至成都辭臺府復回天彭乃赴興元也
又作送敏行無演序云無演自成都來為余設減緣
之梯引除妄之縛一日忽語余以西還之期書此贈
別熙寧六年癸丑季冬甲申書此必無演訪先生於
興元耳

欽定四庫全書

丹淵集
年譜

十三

七年甲寅

是歲先生在興元按先生作拈古頌序後云熙寧七
年甲寅五月戊子謹序雖不言作序之所度前年已
赴興元後年上元作送張嘉州序於甚美堂此年必
在任爾又按先生奏乞差洋州狀云蒙恩除臣知陵

州一年十箇月因揚州為監復蒙就差知興元府今到任已及一年五箇月替期非遠切慮差官代臣赴闕乞再差知洋州一次奏當作於此時

八年乙卯

是歲先生在興元按先生作送張益孺學士知嘉州序後有云朝中士大夫以詩餞之視事之明日即走書興元求余為序熙寧八年上元甚美堂書堂必興元之府治也又作靈夢記云興元府唐安寺戒壇院

欽定四庫全書

丹淵集
年譜

十四

六臂大悲觀世音菩薩者乃通判軍府事太子中舍盧洪巖之之夫人長安縣君朱氏之全歸也後云熙寧八年歲次乙卯二月十五日丁丑記又按先生將赴洋州書東谷舊隱詩其間云昨從漢中歸於此度炎燠還當武康去就養若雞鶩又作夏日墨君堂詩云先人有樊廬涪水之東邊我罷漢中守歸此聊息焉是時五六月赤日烘遙天又云行將佩守符復爾趨洋川又種榆詩序云熙寧辛亥春予自京師赴陵

州過家省墳墓見所居長衢比戶競取榆栽列植官道後移興元滿替復歸待洋州闕始四年爾而榆已高大繁茂深密可愛予正得此過一夏蒙庇厚矣詩蓋作於是年之夏意公歸鄉度夏方赴洋州耳

九年丙辰

是歲先生在洋州按先生題魯肅簡公尺牘後云熙寧九年丙辰七月癸酉洋州守居瀟泉亭記

十年丁巳

欽定四庫全書

丹淵集
年譜

十五

是歲先生在洋州按公墓誌洋州代還判登文鼓院蓋先生赴洋州於八年秋冬之間至是秋滿還京師考之實錄不見除判鼓院之月日而墓誌止言數月乞郡疑是年冬赴京師鼓院之命或在元豐元年之春也

元豐元年戊午

是歲先生在朝按先生墓誌判登聞鼓院數月乞郡東南除知湖州又案神宗實錄元豐元年冬十月壬

寅朔戊午以判登聞鼓院司封員外郎集賢校理文

同知湖州蓋十月十七日也又按先生寄題湖州沈

秀才天隱樓詩云自念久不偶歸老東南州地名水

精宮家有天隱樓詩蓋作於此時又有湖州提轉先

狀云已謀便道之行即此提封之下此亦必作於是

年之冬

二年己未

是歲先生卒按先生墓誌元豐二年正月二十一日

欽定四庫全書

丹淵集
年譜

三

以疾卒於陳州之賓館蓋先生自京師赴湖州至陳
而卒也

丹淵集年譜

欽定四庫全書

丹淵集卷一

宋文同撰

詞賦

超然臺賦

方仲春之盍盍兮覽草木之菲菲胡怫鬱於余懷兮悵
獨處而無依陟危譙以騁望兮邱阜摧萎而參差窮莽
蒼以極視兮但浮陽之輝輝忽楊颺以晦昧兮灑氛霾

欽定四庫全書

丹淵集
卷一

於四垂躋余心之所行兮欲溷溷其安之蛻余神以遐
騫兮控沆寥而上馳闢曖曖以涉鴻洞兮揮霓旌而掉
雲旗導長琴以天矯兮從宛虹之委蛇曳采旒以役朱
鳳兮駕瓊輶而驅翠螭涉橫潢以出沒兮歷大曜而蔽
虧徂萬里以一息兮俯九州而下窺有美一人兮在東
方去日久兮不能忘凜而潔兮岌而長服忠信兮被文
章中皦皦兮外琅琅蘭為襟兮桂為裳儼若植兮奉珪
璋戢光耀兮秘芬芳賈世用兮斯卷藏遊物外兮肆猖

狂余將從之兮遙相望回羊角兮指龍腕轉嶠夷兮蹴
扶桑倚泰山兮聊徜徉下超然兮拜其旁願有問兮遇
非常勿掉頭兮告以詳使余脫亂天之罔兮解逆物之
糧已而釋然兮出有累之場余復僂僂兮來歸故鄉

石堦賦

上簷峯之飛泉兮披蒼翳之榛莽
斂倦執而膺喘兮窮其巔於絕咀
爰有石而跂跂兮旁無他而相伍
色黝黝而骨勁省兮具支節而帶
文縷其遠睨之若人兮迫猶

欽定四庫全書

丹淵集
卷一

二

疑其蹲虎里俗神而甚恭兮號相尊其曰堦謂遽亟而
丐况兮緣其求而下予忽早陽赫而上藝兮飛光流而
燎土彈多稼以巨觥兮烹羣命于碩觶走羣靈而莫答
兮後率歸而此憩投雅耄而竭履兮來號呶而昭嘒會
諸力以掀揭兮使轉移其常處靈歛然而見景怪兮衆
外愕而中怖慄堀堦而下發兮鬱黯黯而上希檐硯磕
而中作兮漭滂沱而四注回極熾而施大潤兮曾不暇
乎旋步已復還其故立兮各再拜而引去問其端而何

從今年皆失其幾許吾聞懷澤之與符陽兮亦有石為
牛鼓彼民釁而擊之兮常以旱而取雨宛其於爾為類
兮彼又載于國譜噫惟皇之大職兮繫陰陽之煦嫗奚
磊砢之頑質兮輒矯權而自主事豈無於適然兮而惑者
概從而為語皇忽寤而震恚兮列罪目而爾數訶星士
以施梏兮勅雷將而揮斧赫電火而仄爾兮鼓箕風而
蕩汝閭大空而泮散兮一摩抗其處所俾愚黎之偃正
兮識惟皇之覆露皇未寤而民尚惑兮徒吾髀之長拊

欽定四庫全書

丹淵集
卷一

三

蓮賦

彼芳蓮之紛敷兮乃橫湖之繡繪挺濁淤以自潔兮澡
清漪而逾麗纖影空其上下兮細理周其向背甘液凝而
露浥兮清香馥而風遞向冰筋與玉骨兮外吐心而露
肺承寶座之千趺兮陰凋興之萬蓋張翠帷於月下兮
列綵仗於烟際容鷗鷺之徒倚兮取龜魚之芘賴既怙
水以不競兮復公涯而自退實華蕩之上品兮豈草木
之一榮

松賦

度衆木而特起兮有高松之可觀擢雙幹以旁達兮聳
千尋而上擎怪難入於圖畫兮老莫知其歲厯含古意
以茫昧兮負天材而岑寂柯磅礴而如袍兮葉攫掇而
若冪停餘雪而暖溜兮棲宿雨而晴滴險穴聚乎魑魅
兮陰枿藏乎霹靂蒙烟霧之灑潤兮傲冰霜之慘威榮
枯繁乎所托兮用捨由乎見覓敢並名於杞梓兮甘取
謂於樗櫟

欽定四庫全書

丹淵集
卷一

四

問神詞 并序

丙申歲夏五月南豳大旱土人走寧之要冊池取神
水者如市既得各就其社祀以禱雨然踰旬不應民
甚恐懼禾稼焦枿不得食以死且疑神何不若嚮時
之速驗也羣口咨嗟余聞之為作問神詞使歌之凡
三篇如左

一

惟歲之旱兮叩羣靈而寂然鬻踵汗賴以厯它疆兮俾

越神之所淵飾盎缶以借餘潤兮輦護以歸期監乃秉
之虔兮少悼民之凶飢巫歌覲舞兮舌橋而腕垂原呼
野召兮翁走而嫗馳奉新潔以羅庭戶兮日屢薦而並
祇吾將問神兮不閱此而曷為

二

寧山之環兮寧水之灣吾神宅茲兮幾千百年土民所
仰兮重如一天凡旱取雨兮易若手然潤逐灌洒兮陰
隨炳烟盡秦之境兮歲無赭田茲夏隴之槁渴兮風燥
而日煎吾將問神兮豈或不職而累前

欽定四庫全書

丹淵集
卷一

五

三

神嘗以功兮荷天之福袞畫藻火兮冕垂纓玉樓殿軫
輶兮楹廡懸屬炫煇煜兮盤山結谷幄帝之下兮雲藏
雨蓄宜以其潤兮惠吾百穀胡為自嗇兮肆魑之酷吾
將問神兮寵其為辱

去陵

度龍從兮外岑峯宛詰竭兮辭高而謁深望巉巖之危

堦兮隱重闥于幽林石塗語語而直注兮盤苔磴乎千
尋問守居之何所兮凌絕壑而繚層巒廡鬱其糾紕
兮觀閭緣乎孱顏嗟余胡為棲此兮日倚伍乎羣山歲
月淹其兩周兮悵何時而當還塙兮懔懔兮慄若寐之
覺兮疾而復承詔易守漢上兮幸旋轅于夷陸側身東
望兮掣余思而太息山中不可以久留兮撫四時而蕭
瑟

秋望

欽定四庫全書
丹淵集
卷一
六
愴嶷立兮臨層巔極延迤兮睇遙川杳營營兮其何之
馳泥淋兮浮寥然彼美人兮在一方望泊鬱兮蔽雲烟
期將邁兮彈所思念莫致兮勞且惛零露濛濛兮促其
歸灑涕淚兮紛如泉

送李道士

雲離離兮風漻漻羣山空兮萬木凋水泚泚兮大野平
天沆寥兮新霜晴送先生兮歸鵝池晨霞鮮兮明羽衣
乘青螺兮度南岡荷瓊笈兮秘雲章先生去兮來何時

上三囑兮余之思閑居靈寤兮摘錦詞有鶴可使兮其
致之

哭仲蒙二章

懔懔栗兮臨清秋懷坐憤兮紛予憂拂其弭兮久復留
念將焉適兮升高邱問胡然兮予之思絙予心兮不解
以繆謂遐闊兮願如其宮悵西南兮川塗緬脩已忽寤
兮往當此以訃蓋予之生于世兮期為已休萬感芸然
兮盡予之中魄幹漂漬兮索其若抽念予一去兮不可

欽定四庫全書

丹淵集
卷一
七

以復見顧予之於道兮尚胡為而此謀欲予似兮取友
但寥寥兮安求孰識予兮予深當何人兮與侔彼徒以
文行兮為予之高其不為賤止體而貴余肱如刻畫兮
妄以累子類神珠兮囂天球知子之末兮尚可以表世
其不能究者兮彼又何尤已矣乎予之存兮在予憶子
之疾兮將何時而可瘳斂子恨兮暮來歸烟雲飄蕭兮
奉予以愁

右臨高

念子將歸兮于嵩之陽彼山之中宅羣僊兮欣得子而
翱翔冠芝英兮佩蘭芳躡暉煜兮服熒煌執瓊笈兮披
錦囊遡天風兮誦霞章神君揖兮登寶牀玉女進兮奉
瑜觴予浩歌兮頌靈休瑤瑟差薦兮相與予之獻酬客
下緱嶺兮飄霞旒人來潁陽兮駕琳輶蟠桃春兮白榆
秋雲開月皎兮桂嵒之幽子之樂兮千萬億年下視此
世兮不肯還猿嗥鶴哀兮恍恍乎空山相望何所兮香
莫可攀

欽定四庫全書

丹淵集
卷一

右懷嵩

仲蒙為人無所不備采摘一二以為其美行
累之多矣劉元平嘗論人之賢者曰無長仲
蒙似之故哭之二章如此熙寧辛亥仲秋癸
酉仁壽郡東齋題

哭任遵聖

覽顓字之渺漭兮悲萬彙之漂搖林薄颺以殞瘁兮帶
原隰之蕭條愴離魂之怫鬱兮紛渙散而孰招悵節物

之變易兮付餘懷以無聊念先生之生此兮皇昌為而
有之既誕昇以才德兮又復艱其所施使輾轉於偏側
兮躋其行而莫馳哀抱憤以遽去兮問誰賢而爾師飽
道義兮富文章轟大聲兮發洪光潔如玉兮凝如霜堅
不可撓兮漂不可當嗟爾世俗兮曾莫測其所高但輒
詆以絕衆兮實自疵于爾曹且勿辨其薌臭兮混蘭蕙
于蓬蒿不善擇其至行兮務族譟而叢嗥今已矣兮想
孑立而孤居游鴻洞而入翰淪兮乘威鳳而跨鯨魚出

欽定四庫全書

丹淵集
卷一

九

入乎無極兮旁羊乎太虛下視夫塵寰兮諒將厭其如
帑惟不肖兮有性自天蹈大道以直驚兮繇中軌而掉
長鞭寧剛折而方毀兮耻從柔而逐圓獲稠人之笑詈
兮獨先生之見憐負先生之所與兮羗莫恤乎其它今
既失先生之為徒兮顧泯泯而奈何茲忽訃以大事兮
還英氣于岷峨恨不能撫柩以一訣兮橫涕淚而滂沱
亂曰先生之美兮豈衆人之足云兮先生之慶兮有弟
賢而子文兮先生之安兮地既吉而可墳兮先生之壽